

Benit certu a t'abbrazzare

Su coro in diversu istadu,
Proite so bezzu e arrimadu,
Non m'agato che prima
Su coro meu s'anima
Bolat cussu pensamentu
Ma su coro ogni momentu
Benit certu a t'abbrazzare

1°

Benner dia certamente
A cost'e perder sa vida
Magari gida lontan'a
T'abbrazzare cordialmente
Ch'as tentu una ferida
Pro sa grandesa italiana
Est gloriosa funtana
De samben prodigiosa
Est funtana gloriosa
Da unu eroe pattida
Benner dia a t'abbrazzare
A cost'e perder sa vida
Mancari lontana gida
A suffrire neccessitat
De vincere o morire
Necessitat de sufrire
Desser s'Italia ingrandida
Benner dia at abbrazzare
Magari gida lontana
A cost'e perder sa vida
Est in sa mente isculpida
De sardos precisamente
Est isculpida in sa mente
Morte Asburgo Ungheria
Magari gitta lontana
A cost'e perder sa vida
Certamente benner dia
Cussa perfida genia
De s'Italia sempre infida
Cussa genia perfida
Via si det debellare

Ma su coro ogni momentu
Benit certu a t'abbrazzare

2°

Tres Naziones viles
Austria, Germania, Turchia
Vera istrage europea

Tottu su mundu civile
Deplorat cussa genia
In barbaridade e s'idea
De tantas vittimas rea
De terrores vera pianta
Rea de vittimas tanta
Piena de iniquidade
Tottu su mundu civile
Deplorat cussa genia
Pessima barbaridade
S'innocente umanidade
Si bagnat continuamente
S'umanidade innocente
Giamat vendetta d'ognora
Tottu su mundu civile
In barbaridade e s'idea
Cussa genia deplora
De bellesas distruttora
D'antichidad'errichesas
Distruttora de bellesas
Veru vulcanu giocundu
In barbaridad'e s'idea
Deplorada cussa genia
Tottu su civile mundu
Est Inferru furibundu
Memore pro un'eternu
Est furibundu Infernu
Su Tedescu in s'operare

Ma su coro ogni momentu
Benit certu a t'abbrazzare

3°

De cannone ogni sussurru
Chi su Tedescu ribaldit
Es certu como si finit
Giardini S'atestadu de Cavour
Giardini cun Garibaldi
Re Vittoriu e Mazzini
Pro sa Patria unidos fini
De dottrina favoridos
Pro sa Patria fin unidos
In Italia senz'uguale (1)
S'attestadu de Cavour
Re Vittoriu e Garibaldi
Giardini su Generale
Cum fortaleza leale
Pienos de ogni saggeza
Cum leale fortaleza
In tot'Italia notoriu
S'attestadu de Cavour

Giardini e Garibaldi
Mazzini e Re Vittorio
Niente contradditoriu
Sos eroes l'ana in mente
Contradditoriu niente
Custos l'han profettizzadu
Giardini e Garibaldi
Re Vittorio e Mazzini
E Cavour l'ana attestadu
Est s'esercitu animadu
Redimer Trento e Trieste
Tat animadu este

Ma su coro ogni momentu
Benit certu a t'abbrazzare

4°

Sa patria tua est cuntenta
E cun tanta gentilesa
Ti salutada pro continu
Chi cussa terra redenta
E cun su samben difesa
De unu imperu assassinu
De Trento Trieste sterminu
De frades nostros sa peste
Sterminu de Trento e Trieste
De seculos sutta rivales
Chi cussa terra redenta
As cun su sambene difesa
Imperiu assassinu tale
Non bind'ada uguale
Nazione scellerada
Uguale non bind'ada
Senza dotrina de bene
Chi cussa terra redenta
Da unu imperiu assassinu
L'as difesa cun sambene
Ma tottu pagare dene
Vienna depet sacrificare
Ma tottu depen pagare
In custa finale guerra
De unu Imperiu assassinu
L'as cun su sambene difesa
Cussa irridenta terra
Savoiaru Italianu
Las atterrat su Sovranu
In Europa esemplare

Ma su coro ogni momentu
Benit certu a t'abbrazzare

Grande soddisfazione
Una ghirlanda d'alloro
D'eroe t'as meritadu
Infine, caru *Mazzore*,
T'abbrazzo dae su coro
Chi ses Sardu as dimostradu
Cun amore as imitadu
Su tricolore istendardu
Infine, caru *Mazzore*,
T'abbrazzo dae su coro
L'as mustradu chi ses Sardu
Non ritiras a s'azzardu
Ca su tricolore miras
A s'azzardu non ritiras
E non timas istrapazzos
Infine, caru *Mazzore*,
Chi ses Sardu as dimostradu
Dae su coro t'abbrazzu
De fiores grandes mazzos
Ti mando in segnu d'amore
Grande mazzos de fiores
D'affettu su plus raru
T'abbrazzo dae su coro
Chi ses Sardu as dimostradu
A tie t'abbrazzu
Ogni dolore amaru
Pro te ridonat onore
Ogni amaru dolore
Det s'istoria registrare

Ma su coro ogni momentu
Benit certu a t'abbrazzare

Poesia composta dal Sig. Tocco Giacomo, ex Sindaco di Orosei, al nostro amico assessore Salvatore Mazzone, Sergente di Fanteria, per la ferita riportata nella Guerra Italo Austriaca, rendendo invalido.

Copiata dall'ufficiale di Segreteria Sig. Pietro Sannai
Orosei, 24 Aprile 1921